



ՍՈՒՐԲ ՀԱՐՈՒԹՅԱՆ ՏՈՆԸ ՄԱՅՐ ԱԹՈՌՈՒՄ

Ապրիլի 19, կիրակի.—Յարութիւն Տեառն մերոյ Յիսուսի Քրիստոսի:

Գարնանային օր է, ջերմ ու արևոտ: Օրվա մեծ տոնի առթիւ Մայր տաճարը և նրա ամբողջ շրջակայը լցված են խոտներամ բազմությամբ:

Ժամը 11-ին հնչում են Մայր տաճարի զանգերը՝ ավետելով Քրիստոսի հրաշափառ Հարությունը: Սկսված է սուրբ պատարագը: Օրվա պատարագիչն է Մայր տաճարի լուսարարապետ Տ. Հուսիկ արքեպ. Սանթուրյանը:

Ժամը 12-ին Վեհափառ Հայրապետը եկեղեցական թափորով առաջնորդվում է Մայր տաճար՝ ներկա գտնվելու և պատարագին: Թափորին ուղեկցում են Ստոկհոլմից, Արևմտյան Գերմանիայից, Ֆրանսիայից և այլ տեղերից Մայր Աթոռ ժամանած հարյուրավոր ուխտավորներ, որոնք երկշողմաբար պարեպաշտությամբ ներկա են լինում արարողությանը և ստանում և Հաղորդություն:

Պատարագը հանդիսավորությամբ շարունակվում է մինչև «Հայր մեր»:

Քարոզի պահն է. Ավագ խորան է բարձրանում Վեհափառ Հայրապետը և, շնորհավորելով ողջ հայության Ջատիկը, խոսում է Հարության խորհրդին նվիրված Իր ոգեշունչ, բովանդակալից քարոզը, որը տպագրվել է էջմիածին ամսագրի սույն համարում (էջ 3):

Նույն օրը, գիշերվա ժամը 12-ին, Նորին

Աթոռի քարոզը ձայնասփռվում է Երեվանի ռադիոկայանից:

Հավարտ սուրբ պատարագի Վեհափառ Հայրապետը առաջնորդվում է Վեհարան, որտեղ ընդունում է բազում շնորհավորանքներ, որոնց թվում նաև Երևանի ուսումնական տարբեր հաստատություններում սովորող սփյուռքահայ ուսանողների, որոնք աջահամբույրով ստանում են Վեհափառ Տիրոջ օրհնությունը:

Ժամը 15-ին Վեհափառ Հայրապետը բարեհաճում է Իրեն սեղանակից դարձնել Գերագույն հոգևոր խորհրդի անդամներին, Մայր Աթոռի միաբանությանն ու պատասխանատու աշխատողներին և շնորհավորում բոլոր ներկաների Ս. Ջատիկը:

Հանուն ներկաների Վեհափառ Հայրապետի տոնը շնորհավորում է Տ. Սիոն արքեպ. Մանուկյանն ու բարի ճանապարհ մաղթում Նրան՝ դեպի Կենտրոնական և Արևմտյան Եվրոպա կատարելիք հովվական այցելության առթիվ:

Մայր տաճարում և պատարագին և զատկական ճաշկերության ներկա էր նաև ՀՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ արմ. Ռ. Պարսամյանը, որը նույնպես բարի ճանապարհ է մաղթում Հայոց Հայրապետին:

Հաջորդ օրը, 20 ապրիլի, երկուշաբթի, Վեհափառ Հայրապետը մեկնում է Մոսկվա՝ Իր ուղևորությունը շարունակելու համար դեպի Վիեննա, Ֆրանկֆուրտ, Մյունխեն և ապա Փարիզ:

